

« տատեալ են վերստին, և զմիւս պետրոս քիւթիւոն փախուցեալ, և զերեք կամ
« ըստ ոմանց զհինգ վարդապետս սպանել տուեալ են: Եւ զմինն ի սոցանէ ի պա-
« տարագելն յետ սրբացուցման, մինչ հասեալ յայն տեղին ուր յիշէ զկաթուղիկոսի
« անունն պետրոսին, հասանին բռնաբարօղք բարբարոսք, զանակոծ առնելով յար-
« տաքս ձգեն և մահացուցանեն: Ղազարն աստ զկօնտակ ուղարկեալ առ ժողովուրդ
« և առ փաթրիքն, և զնա անմեղացուցանելով շողոքորթէ. յետ ընթեռնւոյն զկօն-
« տակն ի լուր ամենեցունց, զայսէրցիք և աճէմներն զշշնչմունս բարձեալ, թէ և
« իբրու գայթաղեալ, թէ դուք սեազուխրդ էք պատճառ այսմ աղմունքի և սպանու-
« թեան վարդապետաց ի սուրբ Էջմիածին » (Գր. Հ. Միքայէլ Վ. առ Մխիթար,
1748 հոկտ. 25 չուէ գիրս [Կ. Պոլիս]):

Հ. Միքայէլ հետեւեալ նամակին մէջ կու տայ նաև բաւական մանրամասն վկա-
յարանական տեղեկութիւն մը:

Գիտենք ազգային հալածանքներու շրջանէն ընդհանուր ծանօթութեամբ մը,
որ եղած են անձինքներ՝ որոնք նահատակուած են՝ անդրդուելի մնալնուն համար
իրենց հաւատքին մէջ:

Ուրախ ենք որ Հ. Միքայէլ Վ. ի արդեամբք կրնանք հոս ներկայացնել տեղե-
կութիւններ անոնցմէ միոյն՝ Ստեփան անուամբ քահանայի մը վրայ, ինչ որ վկայի
մը որոշ պատկերք կու տայ. թէպէտև ամբողջական չէ, որովհետև նոյնքան որոշ պէտք
է ըլլայ անոր վախճանի տեղեկութիւնը, որ դեռ կը պակսի:

Գերշարգեցելոյ Աբբայ Հօրոյ մերոյ, տեսան Մխիթարայ
Աստուածաբանուբևան վարդապետի

... Երկու ամիս յառաջ, զղազար կաթուղիկոսն, զոր հերքեցին, նզովեցին, բանա-
դրեցին, անընդունակ արարին, և զանունն յիշատակելոյ ի պատարագն շնճեցին, հա
իշխանութեամբ նոր Դահին վերստին հաստատեցաւ յաթոռ իւր. սկսան ընդունիլ և
յիշատակել ի պատարագն: Չարագունեղ և անգէտ Աթանաս վ. որ զնաց առաջնորդ
թօխաթու, անդ և ի ս[ե]բատիա, զմեծագոյն հալածանս յարուցեալ ուղղափառաց: Հինգ
և վեց ամ յառաջ ընդ յարութիւն վ.ին, որ զնացեալ է առաջնորդ թօխաթու, և ընդ
ինքեան տարեալ է զայլ ոմն էտրենեցի վ. աշակերտ վախճանող յօհաննէս պատրիար-
զին, այն վ. ճգնագգեաց և բարի անձն մի, և անդ վախճանեալ. յարութիւն վ. զնա ի
յեկեղեցւոյն թաղել տուեալ: Եւ յայժմ որ այս աթանաս զնաց անդ, լուեալ թէ
նոյն վախճանեալ վ.ն երբեմն ասացեալ է ուղղափառաց, թէ շիտակ է ձեր ճամբան, ինք
ևս լեալ իցէ ի ներքուստ ուղղափառ: Մինչ աթանասն զայս լուեալ է զնմանէ, ուրք
պատմեալ են նմա, յայնժամ սկսեալ է ասել. Այն շունն, այն նզովածն, այն ուրացօղն,
ոչ է արժան յեկեղեցւոյն մնալ. բանալ տուեալ զտապանն, չորս և հինգ ամաց մեռելոյն
զոսկերս առաջի շանց արկեալ, և զայլ ոմն ուղղափառ ի յէշ եղեալ ի քաղաքն շրջե-
ցուցեալ...: Ի գաղատիա ևս նոր չարագոյն հալածումս. զի ի թօխաթու գէորգ անուն
վ. մի, որ երբեմն ուղղափառ ի տունս պատարագեալ է ի գաղատիա, այժմ զնացեալ
անդ զհալածանս գրգռեալ, գտուն մի կոխել տուեալ են, զտէր ստեփան ամուսնացեալ
քահանայն, տեղացի, որ յառաջ ընդ այլոց կարգաւորաց փախտական աստ էր, իբրու
մի ամ է որ յետս դարձեալ զնաց, և ի ծածուկ կալով հոգայր զուղղափառս, զսա ըմ-
պունեցին, փաշային մատնեցին, 500 բիր ոտացն հարին. ներկայ գոլով չար վարդապե-
տաց և չարափառ աշխարհականաց դատախազք և անգութք, ասացեալ են. Ոչ միայն
ներբանացն այլ ի վերայ ոտիցն մատանց հարէք, որ մատուցն շաղջաղիցին և թափի-
ցին. և ոմն հայ ի վերայ զլիտոյն անկեալ, զի մի շարժիցի, և ասէր. Ուրացիր զլեօս.
Իսկ նա ի յամենայն հարման յիսուս մարիամ կոչէր:

Ի յայսմ գործողութեան նուագի, իրիցկին սորին եկեալ լալագին և կողկողագին